

შპს საქართველოს უნივერსიტეტის პროფესიული კოლეჯი

საკვალიფიკაციო გამოცდის ჩატარების წესი სამუშაოზე დაფუძნებული სწავლებით
განხორციელებული პროფესიული საგანმანათლებლო პროგრამებისათვის



სარჩევი

მუხლი 1. ზოგადი დებულებები	3
მუხლი 2. საკვალიფიკაციო გამოცდა	3
მუხლი 3. საკვალიფიკაციო გამოცდაზე დამუშავების წინაპირობა	3
მუხლი 4. საკვალიფიკაციო საგამოცდო კომისია.....	3
მუხლი 4. გამოცდისათვის მომზადება და გამოცდის ჩატარება	4
მუხლი 6. აპელაცია	5
მუხლი 7. განმეორებითი გამოცდა.....	5
მუხლი 8. მტკიცებულებები	6

მუხლი 1. ზოგადი დებულებები

1. წინამდებარე წესის მიზანია სამუშაოზე დაფუძნებული სწავლების განხორციელებული პროფესიული საგანმანათლებლო პროგრამის კურსდამთავრებულთათვის კვალიფიკაციის მინიჭების პროცედურებისა და პირობების განსაზღვრა

მუხლი 2. საკვალიფიკაციო გამოცდა

1. საკვალიფიკაციო გამოცდის თემატიკა ეყრდნობა კოლეჯის მიერ შემუშავებულ შესაბამის პროფესიულ საგანმანათლებლო პროგრამას და არ სცილდება შესაბამისი პროფესიული საგანმანათლებლო პროგრამით გათვალისწინებულ სწავლის შედეგებს.
2. საკვალიფიკაციო გამოცდა შედგება თეორიული და პრაქტიკული კომპონენტებისაგან.
3. თეორიული გამოცდის ჩატარება ხდება პრაქტიკულ გამოცდამდე და დროის შუალედი თეორიულ და პრაქტიკულ გამოცდას შორის არ უნდა აღემატებოდეს 2 კვირას.
4. გამოცდის თემატიკა მოიცავს შესაბამისი პროფესიული საგანმანათლებლო პროგრამის პრაქტიკული და/ან თეორიული სწავლის შედეგის/შედეგების მიღწევის დადასტურებას/დემონსტრირებას.
5. საკვალიფიკაციო გამოცდა ტარდება პროგრამის დასრულების შემდეგ, სასწავლო გეგმით გათვალისწინებული ბოლო მოდულის დასრულებიდან 10 სამუშაო დღეში.
6. საკვალიფიკაციო გამოცდის თარიღი პროფესიულ სტუდენტს ეცნობება 10 სამუშაო დღით ადრე.

მუხლი 3. საკვალიფიკაციო გამოცდაზე დაშვების წინაპირობა

1. საკვალიფიკაციო გამოცდამდე ხორციელდება **შუალედური გამოცდა**, რომლის მიზანია სასწავლო პროცესის მიმდინარეობის შეფასება და ემსახურება სასწავლო პროცესის/სასწავლო გეგმის კორექტირებასა და გაუმჯობესებას.
2. შუალედურ გამოცდაზე საპატიო მიზეზით გამოუცხადებლობის შემთხვევაში პროფესიულ სტუდენტს ეძლევა დამატებით შუალედურ გამოცდაზე გასვლის უფლება ერთჯერადად შესაბამისი განცხადებისა და საპატიო მიზეზის დამადასტურებელი დოკუმენტის წარმოდგენიდან 5 სამუშაო დღის ვადაში.
3. საკვალიფიკაციო გამოცდაზე დაშვების წინაპირობაა პროგრამით გათვალისწინებული ყველა სწავლის შედეგის დადასტურება და შუალედურ შეფასებაში მონაწილეობა.
4. დუალური პროგრამის შემთხვევაში, შუალედური გამოცდა ხორციელდება პროფესიული განათლების მასწავლებლისა და საწარმოს ინსტრუქტორის მიერ, პროფესიული სტუდენტის ჩანაწერებისა და დაკვირვების ფურცლის (ჩეკლისტის)/წერიტი დავალების საფუძველზე, სწავლის შედეგების მიღწევის შეფასების შესაბამისობის შემოწმების მიზნით.
5. დუალური სწავლების შემთხვევაში, შუალედურ შეფასებასა და საკვალიფიკაციო გამოცდაზე პროფესიული სტუდენტის დაშვების დამატებით წინაპირობას წარმოადგენს სრულფასოვნად შევსებული ჩანაწერების ჟურნალი, რომლის მონიტორინგსაც ახორციელებს პროფესიული განათლების მასწავლებელი.

მუხლი 4. საკვალიფიკაციო საგამოცდო კომისია

1. კოლეჯის დირექტორის ბრძანებით მტკიცდება საკვალიფიკაციო საგამოცდო კომისიის შემადგენლობა, ასევე თარიღი და ჩატარების ადგილი.
2. საკვალიფიკაციო საგამოცდო კომისიის შემადგენლობაში უნდა შედიოდნენ:
 - ა) შესაბამისი პროფესიული საგანმანათლებლო პროგრამის ხელმძღვანელი ან/და შესაბამისი საგანმანათლებლო პროგრამის პროფესიული მასწავლებელი;
 - ბ) პარტნიორი საწარმოს წარმომადგენელი ან/და შესაბამისი პროგრამის განხორციელებაში ჩართული ინსტრუქტორი;

- გ) საჭიროების შემთხვევაში, შესაბამისი მიმართულების პროფესიული ასოციაციის ან/და დამსაქმებლის წარმომადგენელი/წარმომადგენლები;
- დ) საჭიროების შემთხვევაში, იმ პროფესიული საგანმანათლებლო დაწესებულების შესაბამის დარგში კვალიფიკაციის მქონე წარმომადგენელი, რომელიც ახორციელებს მსგავსი მიმართულების პროფესიულ საგანმანათლებლო პროგრამას;
- ე) საჭიროების შემთხვევაში, სხვა საჯარო ან კერძო დაწესებულების წარმომადგენელი.
3. საკვალიფიკაციო საგამოცდო კომისია გადაწყვეტილება უნარიანია თუ საკვალიფიკაციო საგამოცდო კომისიის წევრები, რომლებიც არ იყვნენ ჩართულნი შესაბამისი პროფესიული საგანმანათლებლო პროგრამის განხორციელებაში, წარმოადგენენ უმრავლესობას.
 4. საკვალიფიკაციო საგამოცდო კომისია უნდა შედგებოდეს მინიმუმ 5 წევრისაგან.
 5. საკვალიფიკაციო საგამოცდო კომისია გადაწყვეტილების მიღებისუნარიანია, თუ მას ესწრება საკვალიფიკაციო საგამოცდო კომისიის წევრთა არანაკლებ $\frac{3}{4}$ -ისა.
 6. საკვალიფიკაციო საგამოცდო კომისიას ჰყავს თავმჯდომარე, რომელსაც, ხმათა უმრავლესობით, ირჩევენ საკვალიფიკაციო საგამოცდო კომისიის წევრები.
 7. საკვალიფიკაციო საგამოცდო კომისია, კვალიფიკაციის მინიჭების მიზნით, გადაწყვეტილებას იღებს ხმათა უმრავლესობით. კომისიის წევრთა ხმების თანაბრად გაყოფის შემთხვევაში, გადამწყვეტი ხმის უფლება ენიჭება კომისიის თავმჯდომარეს.
 8. საკვალიფიკაციო საგამოცდო კომისიის ფუნქციებია:
 - ა) საგამოცდო საკითხების შემუშავება;
 - ბ) განმეორებითი გამოცდის საკითხების შემუშავება;
 - გ) კვალიფიკაციის მინიჭების მიზნით, კომისიის გადაწყვეტილების წარდგენა დირექტორისთვის.

მუხლი 4. გამოცდისათვის მომზადება და გამოცდის ჩატარება

1. კონკრეტული პროგრამის სპეციფიკის გათვალისწინებით, საგამოცდო საკითხებს შეიმუშავებს საკვალიფიკაციო საგამოცდო კომისია.
2. კოლეჯის ადმინისტრაცია ვალდებულია მხარი დაუჭიროს საკვალიფიკაციო გამოცდის ორგანიზებასა და ჩატარებას.
3. საკვალიფიკაციო საგამოცდო კომისიის მიერ პროფესიული სტუდენტის შეფასების ფორმა უნდა შეიცავდეს შემდეგი სახის ინფორმაციას:
 - ა) დავალების შინაარსი;
 - ბ) დავალების შესრულების დრო და ადგილი;
 - გ) დავალების შეფასების კრიტერიუმები;
4. საგამოცდო საკითხები ცნობილია მხოლოდ საკვალიფიკაციო საგამოცდო კომისიის წევრებისათვის და აღნიშნული წარმომადგენის კონფიდენციალურ ინფორმაციას, გამოცდის საკითხების შემუშავებიდან გამოცდის დასრულებამდე.
5. საკვალიფიკაციო გამოცდა შესაძლებელია ჩატარდეს კოლეჯის ტერიტორიაზე ან მის ფარგლებს გარეთ (საწარმოში).
6. საკვალიფიკაციო გამოცდის მსვლელობისას შესაძლებელია განხორციელდეს ფოტო გადაღება ან/და აუდიო ან/და ვიდეო ჩაწერა.
7. საკვალიფიკაციო გამოცდას ესწრებიან შესაბამისი საკვალიფიკაციო საგამოცდო კომისიის წევრები.
8. საკვალიფიკაციო გამოცდაზე გამოცხადების შეუძლებლობის შემთხვევაში, საკვალიფიკაციო საგამოცდო კომისიის წევრი, რომელიც ვერ ცხადდება გამოცდაზე, მინიმუმ ერთი სამუშაო დღით ადრე, ატყობინებს კოლეჯის ადმინისტრაციას, რის შემდეგაც გამოიცემა ახალი ინდივიდუალურ-ადმინისტრაციული სამართლებრივი აქტი, საკვალიფიკაციო საგამოცდო კომისიის შემადგენლობის ცვლილების შესახებ.
9. საჭიროების შემთხვევაში, გამოცდას ესწრებიან ადმინისტრაციის სხვა წარმომადგენლები, რომლებიც უზრუნველყოფენ პროცესის ფოტო და/ან ვიდეო გადაღებას, ასევე, საკვალიფიკაციო საგამოცდო კომისიის ოქმის მომზადებას.

10. საკვალიფიკაციო გამოცდის დასრულებისას დგება ოქმი, რომელშიც ასახულია საკვალიფიკაციო გამოცდის მსვლელობა და საკვალიფიკაციო გამოცდის შედეგები. ოქმს ხელს აწერს საკვალიფიკაციო საგამოცდო კომისიის ყველა დამსწრე წევრი. საკვალიფიკაციო საგამოცდო კომისიის წევრის განსხვავებული აზრი დაერთება ოქმს, დანართის სახით.

მუხლი 6. აპელაცია

- საკვალიფიკაციო გამოცდის შედეგები სტუდენტს ეცნობება გამოცდის დასრულებიდან არაუგვიანეს 3 სამუშაო დღისა.
- სტუდენტს უფლება აქვს გაასაჩივროს გამოცდის შედეგები მათი გაცნობიდან 3 სამუშაო დღის ვადაში, რისთვისაც განცხადებით უნდა მიმართოს კოლეჯის ადმინისტრაციას.
- სტუდენტი ვალდებულია განცხადებაში მიუთითოს საკვალიფიკაციო საგამოცდო კომისიის მიერ მიღებული გადაწყვეტილების რომელ ნაწილს არ ეთანხმება.
- კოლეჯის ადმინისტრაცია განიხილავს სტუდენტის განცხადების ფორმალურ შესაბამისობას, კანონით დადგენილ მოთხოვნებთან და განცხადების მიღებიდან 3 სამუშაო დღის ვადაში ღირეუტორის ინდივიდუალურ-ადმინისტრაციული სამართლებრივი აქტით ამტკიცებს სააპელაციო საბჭოს შემადგენლობას.
- სააპელაციო საბჭო შედგება:
 - კოლეჯის იურისტი;
 - შესაბამისი დარგის სპეციალისტი;
 - პროფესიული ასოციაციის წარმომადგენელი ან დამსაქმებელი;
- სააპელაციო საბჭო უფლებამოსილია, საჭიროების შემთხვევაში, მოიწვიოს საკვალიფიკაციო საგამოცდო კომისიის წევრი /წევრები, მომჩივანი მხარე და მოისმინოს მათი ახსნა-განმარტება.
- სააპელაციო საბჭოს ფუნქციებია:
 - შეამოწმოს გასაჩივრებული გადაწყვეტილება, კანონიერებისა და მიზანშეწონილობის თვალსაზრისით.
 - გამოიკვლიოს და შეისწავლოს საქმისთვის მნიშვნელოვანი ყველა გარემოება;
- სააპელაციო საბჭო, ხმათა უმრავლესობით, იღებს ერთ-ერთ შემდეგ გადაწყვეტილებას:
 - საკვალიფიკაციო საგამოცდო კომისიის გადაწყვეტილების გაზიარების შესახებ;
 - საკვალიფიკაციო საგამოცდო კომისიისთვის გადაწყვეტილების ხელახლა განსახილველად დაბრუნების შესახებ.
- დაუშვებელია სააპელაციო საბჭოს შემადგენლობაში შედიოდეს საკვალიფიკაციო საგამოცდო კომისიის წევრი.
- სააპელაციო საბჭო გადაწყვეტილებას იღებს ამავე მუხლის მე-4 პუნქტით განსაზღვრული ინდივიდუალურ-ადმინისტრაციული სამართლებრივი აქტის გამოცემიდან 5 სამუშაო დღის ვადაში.
- საკვალიფიკაციო საგამოცდო კომისია განმეორებით განიხილავს სააპელაციო საბჭოს მიერ მისთვის დაბრუნებულ გადაწყვეტილებას და, სათანადო დასაბუთებით, ცვლის ან უცვლელად ტოვებს მის მიერ მიღებულ თავდაპირველ გადაწყვეტილებას.

მუხლი 7. განმეორებითი გამოცდა

- საკვალიფიკაციო გამოცდაზე გაუცხადებლობის ან არადაამაკმაყოფილებელი შეფასების მიღების შემთხვევაში, სტუდენტს უფლება აქვს, გამოცდის შედეგების გაცნობიდან ერთი წლის განმავლობაში, განმეორებით გავიდეს გამოცდაზე, რისთვისაც განცხადებით უნდა მიმართოს კოლეჯის ადმინისტრაციას.
- განმეორებითი საკვალიფიკაციო გამოცდისათვის იქმნება განახლებული საგამოცდო საკითხები.
- ამავე მუხლის 1 პუნქტით გათვალისწინებული უფლებით სარგებლობა თითოეულ სტუდენტს შეუძლია მხოლოდ ერთჯერადად.

მუხლი 8. მტკიცებულებები

1. საკვალიფიკაციო გამოცდის მიმდინარეობისას, პროფესიული სტუდენტის მიერ შექმნილი წერილობითი ნამუშევარი შესრულებული ნაწარმი/ პროექტი და ნებისმიერი სახის მატერიალურად შექმნილი პროდუქტი, რომლიც ექვემდებარება შენახვას, ასევე პროფესიული სტუდენტის მიერ დავალების შესრულების ამსახველი ფოტო, აუდიო/ვიდეო მასალა წარმოადგენს მტკიცებულებას და ინახება კოლეჯში ექვსი წლის განმავლობაში.

საკვალიფიკაციო საგამოცდო კომისიის სხდომის ოქმის დანართი N1

პროფესიული პროგრამა (კოდის მითითებით)		
გამოცდის ფორმა	ა. თეორიული	ბ. პრაქტიკული
თარიღი		
ადგილი		
საგამოცდო საკითხების რაოდენობა		

შეფასების უწყისი			
N	სტუდენტების სახელი და გვარი (პირადი ნომრის მითითებით)	კომპონენტის დაადასტურება	
		დაადასტურა	ვერ დაადასტურა
1		☐	☐
2		☐	☐
3		☐	☐
4		☐	☐
5		☐	☐

კომისიის თავმჯდომარე: / სახელი, გვარი/

კომისიის წევრები: /სახელი, გვარი